

ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებების ფაკულტეტის საბჭოს 2018 წლის 9 თებერვლის სხდომის

ოქმი N 3

ივანე ჯავახიშვილის სახელობის თბილისის სახელმწიფო უნივერსიტეტში 2018 წლის 9 თებერვალს შედგა თსუ ზუსტ და საბუნებისმეტყველო მეცნიერებათა ფაკულტეტის საბჭოს სხდომა.

სხდომა გახსნა ზუსტ და საბუნებისმეტყველო მეცნიერებათა ფაკულტეტის საბჭოს თავმჯდომარემ, ასოცირებულმა პროფესორმა რამაზ ხომერიკმა.

ფაკულტეტის საბჭოს შემადგენლობაშია 40 წევრი, სხდომას ესწრებოდა 30. კვორუმი შედგა, სხდომა გახსნილად გამოცხადდა.

დღის წესრიგი:

1. ფაკულტეტის დებულებაში შესატანი ცვლილებების შესახებ

საბჭოს თავმჯდომარემ, ასოცირებულმა პროფესორმა რამაზ ხომერიკმა აღნიშნა, რომ სხდომას არ ესწრებოდა საბჭოს მდივანი, ასისტენტ პროფესორი თინათინ დავითაშვილი და სთხოვა საბჭოს წევრებს წამოეყენებინათ დღევანდელი სხდომის მდივნის კანდიდატურა. მან წამოაყენა ასოცირებული პროფესორის ლელა ალხაზიშვილის კანდიდატურა.

სხდომის წამყვანმა კენჭი უყარა საბჭოს სხდომის მდივნად ასოცირებული პროფესორის ლელა ალხაზიშვილის კანდიდატურას.

კენჭისყრის შედეგები: მომხრე - 30, წინააღმდეგი - 0, თავი შეიკავა - 0.

დაადგინეს: ფაკულტეტის საბჭოს სხდომის მდივნად არჩეულ იქნას ასოცირებული პროფესორი ლელა ალხაზიშვილი.

1. **მოისმინეს:** დღის წესრიგის პირველი საკითხი - ფაკულტეტის დებულებაში შესატანი ცვლილებების შესახებ. ფაკულტეტის საბჭოს თავმჯდომარემ, ასოცირებულმა პროფესორმა რამაზ ხომერიკმა საბჭოს წევრებთან ისაუბრა თსუ წარმომადგენლობითი საბჭოს 2016 წლის 23 დეკემბრის N9 სხდომის ოქმით დამტკიცებული ზუსტ და საბუნებისმეტყველო მეცნიერებათა ფაკულტეტის დებულებაში ცვლილების შეტანის თაობაზე. კერძოდ, ცვლილებები შეეხო დებულების მე-5, მე-7, მე-11, მე-17, 27-ე, 37-ე, 38-ე და მე-40 მუხლების ზოგიერთ პუნქტს. მან აღნიშნა, რომ ეს ცვლილებები ხორციელდება ავტორიზაციის

მოთხოვნებიდან გამომდინარე, რათა ფაკულტეტის დებულება მოყვანილ იქნას სრულ შესაბამისობაში კანონმდებლობასა და უნივერსიტეტის წესდებასთან.

აზრი გამოთქვეს: პროფესორებმა ნ. შათაშვილმა, ალ. გამყრელიძემ. ალ. გამყრელიძემ ყურადღება გაამახვილა დებულების მე-5 მუხლის მე-3 პუნქტში შეტანილ ცვლილებაზე საბჭოს შემადგენლობაში სტუდენტთა რაოდენობის შესახებ. რ. ხომერიკმა უპასუხა, რომ ცვლილება ხორციელდება იმისთვის, რომ ფაკულტეტის დებულება მოყვანილ იქნას სრულ შესაბამისობაში კანონმდებლობასა და უნივერსიტეტის წესდებასთან.

საბჭოს თავმჯდომარემ კენჭი უყარა თსუ წარმომადგენლობითი საბჭოს 2016 წლის 23 დეკემბრის N9 სხდომის ოქმით დამტკიცებული ზუსტ და საბუნებისმეტყველო მეცნიერებათა ფაკულტეტის დებულებაში შესატან ცვლილებებს.

კენჭისყრის შედეგები: მომხრე - 30, წინააღმდეგი - 0, თავი შეიკავა - 0.

დაადგინეს: (იხ. დანართი 1) „უმაღლესი განათლების შესახებ“ საქართველოს კანონის 28-ე მუხლის „დ“ პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის N135/ნ ბრძანებით დამტკიცებული საჯარო სამართლის იურიდიული პირის - ივანე ჯავახიშვილის სახელობის თბილისის სახელმწიფო უნივერსიტეტის წესდების მე-11 მუხლის პირველი პუნქტის „დ“ ქვეპუნქტის, სსიპ - ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტის საბჭოს 2018 წლის 9 თებერვლის გადაწყვეტილების საფუძველზე,

შევიდეს ცვლილება ივანე ჯავახიშვილის სახელობის თბილისის სახელმწიფო უნივერსიტეტის წარმომადგენლობითი საბჭოს 2016 წლის 23 დეკემბრის N9 სხდომის ოქმით დამტკიცებული ზუსტ და საბუნებისმეტყველო მეცნიერებათა ფაკულტეტის დებულებაში:

1. დებულების მე-5 მუხლის მე-3 პუნქტი ჩამოყალიბდეს შემდეგი რედაქციით:

„3. ფაკულტეტის საბჭოს შემადგენლობაში შედიან ფაკულტეტის სასწავლო-სამეცნიერო დეპარტამენტებიდან წარმომადგენლობის საფუძველზე არჩეული აკადემიური პერსონალი და სტუდენტთა თვითმმართველობის წარმომადგენლები. სტუდენტთა თვითმმართველობის წარმომადგენელთა რაოდენობა განისაზღვრება წინამდებარე დებულებით, მაგრამ არ შეიძლება იყოს საბჭოს შემადგენლობის 1/4-ზე ნაკლები.“

2. დებულების მე-7 მუხლის პირველ პუნქტს, „ჟ“ ქვეპუნქტის შემდეგ დაემატოს შემდეგი შინაარსის „ჟ¹ - ჟ³“ ქვეპუნქტები:

„ჟ¹) ქმნის სწავლებისა და კვლევის ხარისხის უზრუნველყოფის მექანიზმს;

„ჟ²) სამაგისტრო საგანმანათლებლო პროგრამის განხორციელების მიზნით განსაზღვრავს სპეციალობის/სპეციალობების ჩამონათვალს საგანმანათლებლო პროგრამული მიმართულებების ფარგლებში;

„ჟ³) ფაკულტეტის საბჭოს გადაწყვეტილებით იქმნება საატესტაციო კომისია, რომლის რეკომენდაციის საფუძველზე დეპარტამენტის წარდგინებით ფაკულტეტის საბჭო იღებს გადაწყვეტილებას ბაკალავრის/მაგისტრის აკადემიური ხარისხის მინიჭების თაობაზე;“.

3. დებულების მე-11 მუხლის მე-3 პუნქტი ჩამოყალიბდეს შემდეგი რედაქციით:

„3. დეკანი ინდივიდუალურ ადმინისტრაციულ-სამართლებრივი აქტით – ბრძანებით ქმნის კრედიტების აღიარების საფაკულტეტო კომისიას.“;

4. დებულების მე-17 მუხლს, მე-2 პუნქტის შემდეგ დაემატოს შემდეგი შინაარსის მქონე მე-3 პუნქტი:

„3. ფაკულტეტის ხარისხის უზრუნველყოფის სამსახურის ხელმძღვანელისათვის წასაყენებელ მოთხოვნებს განსაზღვრავს უნივერსიტეტი.“;

5. დებულების 27-ე მუხლს, მე-7 პუნქტის შემდეგ დაემატოს შემდეგი შინაარსის მქონე მე-8 პუნქტი:

„8. საგანმანათლებლო პროგრამის შემუშავების, განხილვასა და დამტკიცებასთან დაკავშირებული სხვა პროცედურული საკითხები განისაზღვრება საგანმანათლებლო პროგრამის დაგეგმვის, შემუშავებისა და განვითარების ინსტრუქციით, რომელიც მტკიცდება უნივერსიტეტის აკადემიური საბჭოს დადგენილებით.“;

6. დებულების 35-ე მუხლს „დ“ ქვეპუნქტის შემდეგ დაემატოს შემდეგი შინაარსის „ყ“ ქვეპუნქტი:

„ყ) ოკეანოგრაფიისა და ჰიდროლოგიის სამეცნიერო-კვლევითი ინსტიტუტი („ოკეანეჰიდრო“)“;

7. დებულების 37-ე მუხლის პირველი და მე-2 პუნქტები ჩამოყალიბდეს შემდეგი რედაქციით:

„1. ფაკულტეტზე არსებობს აკადემიური, ადმინისტრაციული, მასწავლებელთა და დამხმარე თანამდებობები.

2. უნივერსიტეტის აკადემიური პერსონალი შედგება პროფესორისაგან, ასოცირებული პროფესორისაგან, ასისტენტ-პროფესორისა და ასისტენტისაგან.“;

8. დებულების 37-ე მუხლს მე-4 პუნქტის შემდეგ დაემატოს შემდეგი შინაარსის მქონე მე-5 პუნქტი:

„5. ფაკულტეტის პერსონალის საქმიანობის შეფასება განხორციელდება თსუ-ის მიერ დამტკიცებული რეგულაციების საფუძველზე.“

9. დებულების 38-ე მუხლის მე-2 პუნქტი ჩამოყალიბდეს შემდეგი რედაქციით:

„2. პროფესორები მონაწილეობენ სასწავლო პროცესსა და მეცნიერულ კვლევებში ან/და წარმართავენ მათ.“;

10. დებულების მე-40 მუხლის მე-9 პუნქტი ჩამოყალიბდეს შემდეგი რედაქციით:

„9. გამოცდა სპეციალობაში ტარდება ფაკულტეტის მიერ შესაბამისი დარგობრივი მოთხოვნების გათვალისწინებით წერიითი ან წერიითი და ზეპირი სახით. სამაგისტრო პროგრამებზე, სადაც გათვალისწინებულია მხოლოდ წერიითი გამოცდა, საგამოცდო ნამუშევრები ფასდება 100 ქულიანი სისტემით. გამოცდა ჩაბარებულად ითვლება, თუ მაგისტრანტობის კანდიდატი მიიღებს დადებით შეფასებას (მინიმუმ 51%). სპეციალობის გამოცდაში მაგისტრანტობის კანდიდატთა ნაშრომებს

ამოწმებს საგამოცდო კომისია, რომელიც ფაკულტეტის დეკანის წარდგინების საფუძველზე მტკიცდება რექტორის ინდივიდუალური ადმინისტრაციულ-სამართლებრივი აქტით.“

11. დებულების მე-40 მუხლის მე-11 პუნქტი ჩამოყალიბდეს შემდეგი რედაქციით:

„11. მაგისტრატურაში მისაღები წერიტი გამოცდა(ები) ტარდება ფაკულტეტის მიერ თსუ საგამოცდო ცენტრის ტექნიკური მხარდაჭერით.“

ფაკულტეტის საბჭოს თავმჯდომარე,
ასოცირებული პროფესორი რამაზ ხომერიკი



ფაკულტეტის საბჭოს მდივანი,
ასოცირებული პროფესორი
ლელა ალხაზიშვილი

